



COMUNU DE CERÀXIUS
Tzitadi Metropolitana de Casteddu

N. 39
De su 26/03/2021

Deliberatzioni de Giunta Comunali

OGETU: Cunferèntzia apitzus de sa ligidura e s'arpìstica apitzus de su mètodu suzuki e cuncertu de arpas.

Copia

S'annu **2021**, in sa dii **26** de su mesi de **Martzu**, tzerriada me is maneras de lei, in sa Domu Comunali, si est acorrada sa Giunta Comunali, a is oras 13.45.

A s'apellu ant arrespustu:

| Sangunau e Nòmini | Cualifica | Presenti |
|--------------------------|------------------|-----------------|
| CONCU PIER LUIGI | Sìndigu | EJA |
| MAMELI GABRIELLA | Vice sìndigu | NO |
| GESSA LUIGI | Assessori | NO |
| PERRA MARIA FULVIA | Assessori | EJA |
| RELLI ROBERTA | Assessori | NO |
| PORQUEDDU SANDRO | Assessori | EJA |
| CIONI RICCARDO | Assessori | EJA |

Totali presenti 4

Totali ausentis 3

Assistit su Segretàriu Generali Dot.ssa SESTA CARLA

Su Sìndigu, Dot. ing. CONCU PIER LUIGI, cumentu Presidenti, decrarat oberta sa setziada, apustis de s'averiguadura de su nùmeru legali de is assessoris lòmpius e ponit a chistionu s'ogetu prevìdiu a s'òrdini de sa dii.

SA GIUNTA COMUNALI

Bia sa propònnida de Delibera de Giunta Comunali nùmeru 47 de su 22/03/2021 firmada de s'Assessori a sa Cultura Dot.ssa Roberta Relli, chi tenit cumenti ogetu "Cunferèntzia apitzu de sa ligidura e s'arpìstica apitzus de su mètodu suzuki e cuncertu de arpas", apariciada de su Servìtziu imbordigau;

Premìtiu chi s'Aministratzioni Comunali, cun sa tarea de donai cumpridura a is tareas istitutzionalis cosa sua e apariciai acontèssius profetosus de crescidura sotziali e civili, bolit impelli una cunferèntzia apitzus de sa Ligidura e didàtica e arpìstica apitzus de su Mètodu Suzuki e unu cuncertu de arpas (de fai aintru de una strutura culturali comunali chi s'at a scioberai apustis intre s'àrea de aforas de sa domu de su Canònicu Putzu o de sa domu Collu, apresiada a sa crèsia de Santu Giulianu), in sa dii de su 29 o de su 30 de maju 2021.

Sa cunferèntzia, fata de sa maista e arpista Tiziana Loi, bolit amostai s'arrichimentu e sa crescidura de is pipisu atruessu de s'educatzioni musicali; sa maista, in su petantis de sa cunferèntzia, at a amostai s'importu de s'imparamentu po strocidura, chi est a fundòriu de su progetu educadori de su Mètodu Suzuki, chi bolit nai fai sonai una pariga de strumentus e est pensau cumenti logu po si infrentai e imparai a sonai impari arrespetendi is tempus de imparamentu de dònna cumponenti. Acabada sa cunferèntzia ant a fai sonai a su *Sardinia Suzuki Harp Ensemble* chi previdint sa partecipatzioni de arpistas giòvunus, de is cincu annus in susu, po amostai chi podint sonai impari puru sonadoris piciocheddus.

Cunsiderau:

- chi s'Aministratzioni Comunali bolit apariciai custa iniziativa in cullaboratzioni strinta cun s'Assòtziu Musicali *Arpeggiando*, cun sedi in Casteddu, in bia Solmi 46, C.F. 92163390922, chi s'est posta a disposidura, chene nisciunu cumpensu, po apariciai po contu de su Comunu custa iniziativa numenada;
- chi sa spratzinadura de custa iniziativa rapresentat puru unu acontèssiu de importu po sa promovidura de sa tzitadi de Ceràxius de cumpriri valorizendi giassus de primori chi ddoi funt in su territòriu comunali, chi giai in medas atrus acontèssius funt bessius puntus de arrexonu de importu e de acorrada sotziali arrespetendi totus is strinturas chi ddoi funt po mori de sa luta contra de su COVID 19.
- chi po sa cumpridura de custu eventù, obertu a indonu a sa genti, s'Aministratzioni at a ponni a disposidura una intre is àreas a s'inforas de sa "Domu de su Canònicu Putzu", chi est in bia Roma 63, o de sa Domu Collu in bia Giuliano 7.

Acrarau chi s'iniziativa no at ocasionai nisciunu dèpiri finantziàriu po su Comunu.

Donau àutu chi apitzus de sa propònnida est stètiu pediu e donau sceti su parri favoràbili de regularidadi tènnica po parti de su Responsàbili de su Servìtziu imbordigau, chi est fichiu aintru de sa deliberatzioni, mentras no est stètiu pediu cussu de regularidadi contàbili a su responsàbili de ragioneria poita custu provedimentu no ocasionat nisciunu dèpiri finantziàriu po s'aministratzioni, cunforma a s'art. 49 de su T.U.E.L.;

A sa unanimidadi

DELÌBERAT

De promovi, po is arresonis sprigadas in sa premissa, sa apariciadura de sa cunferèntzia apitzus de sa Ligidura e didàtica e arpìstica apitzus de su Mètodu Suzuki e unu cuncertu de arpas de fai, anca una strutura culturali comunali chi ant a scioberai apustis intre s'àrea de aforas de sa domu de su Canònicu Putzu o de sa domu Collu, acanta de sa crèsia de Santu Giulianu, in sa dii de su 29 o de su 30 de maju 2021.

De donai àutu chi s'organizazioni at a èssiri apariciada, de manera a indonu po intreu, po parti de s'Assòtziu Musicali Arpeggiando, cun sedi in Casteddu, in bia Solmi 46, C.F. 92163390922, chi s'est posta a diposidura, chene nisciunu cumpensu, po apariciai po contu de su Comunu custa iniziativa numenada;

De entregai a su Diretori de Àrea A1, Sòtziu-Assistentziali, Culturali e Sportiva, s'impreu de is àutus gestionalis de cumpetèntzia cun sa tarea de sa cumpridura de cussu chi est stètiu apariciau cun custu provedimentu e a s'arreconnòscida de is risorsas de ndi impreai.

De decrarai custa delibera cumpridora deretu cunforma e po is efetus de s'art. 134, comma 4, de su D. Lg.vo n. 267/00.